

大方便佛報恩經

卷二

百八十九  
器二

48653



元祿九年丙子二月日重脩

皇圖鞏固 帝階級昌

佛日增輝 懋輪常轉

山城州天安寺法金剛院置

大方便佛報恩經卷第二

失譯

對治品第三

今時世尊處在大衆猶如日輪光明赫奕隱蔽衆星喻如大龍蟠蘭椿輪蓊練粲爛覩之眼眩思之意亂威光晃曜色無等喻猶螢火光日出不現日月雖有百千光明方於帝釋譬如聚墨帝釋雖有身淨妙光方於大梵王所有光明猶如瓦礫方於夜光摩尼寶珠大梵天王雖有淨妙百千光明方於如來所有光明亦如聚墨何以故如來圓光七尺乃能遠照十方世界其中衆生遇斯光者盲者得視

瘦者得伸拘癡衆生即得手足邪迷衆生得  
覩真言以要言之諸不稱意皆得如願介時  
會中有七十大菩薩摩訶薩即從座起頭面  
禮佛遶百千帀却任一面異口同音說百千  
偈讚歎如來其名曰

不思議菩薩離覺音菩薩惟念安菩薩離垢  
稱菩薩無量音菩薩太名聞菩薩明瑤髻菩  
薩堅師子菩薩獨遊步菩薩捨所念菩薩及  
智積菩薩意善住菩薩無極相菩薩慧光曜  
菩薩消強意菩薩能擁護菩薩至誠英菩薩  
蓮華界菩薩衆諸安菩薩聖慧業菩薩將功  
勳菩薩無思議菩薩淨梵施菩薩寶事業菩

薩處天華菩薩善思惟菩薩無限法菩薩名  
聞意菩薩已辯積菩薩自在門菩薩十種力  
菩薩有十力菩薩大聖愍菩薩無所越菩薩  
遊寂然菩薩在於彼菩薩無數天菩薩須彌  
光菩薩極重藏菩薩因超越菩薩而獨步菩  
薩威神勝菩薩大部界菩薩以山護菩薩持  
三卅菩薩有功勳菩薩宿名稱菩薩日光明  
菩薩師子英菩薩時節王菩薩師子藏菩薩  
示現有菩薩光遠照菩薩山師子菩薩有取  
施菩薩莫能勝菩薩為最幢菩薩喜悅稱菩  
薩堅精進菩薩無損減菩薩有名稱菩薩無  
恐怖菩薩無著天菩薩大明燈菩薩世光曜

菩薩微妙音菩薩執功勳菩薩除暗暝菩薩  
無等倫菩薩各於佛前發誓願言我等於世  
尊滅度之後護持佛法於十方界廣令流布  
使不斷絕何以故我等今者覩如來不思議  
妙色光明於光明中皆得聞不思議佛法旣  
聞法已離於心障累結永消身心清淨晃如  
天金萬品斯照我等思惟如是等功德利故  
於如來所生大師想生慈父想常念佛恩當  
報佛恩何以故得聞正法不久當坐道場轉  
正法輪度脫一切衆生皆令以得聞法故得  
成阿耨多羅三藐三菩提爾時釋迦如來告  
一切大衆言是七十大菩薩摩訶薩久於過

去無量百千萬億微塵數阿僧祇劫中已曾  
供養無量百千萬億恒河沙世界微塵數諸  
佛於諸佛所常修梵行供養諸佛心不疲倦  
以慈修身善護佛法不捨大悲常於十方利  
益一切若有衆生臨命終時若聞一菩薩名  
若二若三若四乃至七十稱名歸命者命終  
即往生有佛國土蓮華化生遠離婬欲不處  
胞胎離諸臭穢其身清淨有妙香氣衆所恭  
敬人所愛念爲人所恭敬愛念故其心歡喜  
以歡喜心故即能發於阿耨多羅三藐三菩  
提心以發阿耨多羅三藐三菩提心能於一  
切衆生起大慈悲心以發慈悲心已次亦生

於利益衆生心以能利益衆生心已復能發  
於不捨衆生心以利益衆生心自利利彼心滅  
除障礙心寂淨煩惱心能親近善友常生恭  
敬心專意聽法心憶持不忘思惟妙義心願  
少聞多解義心不願於多聞而不解義心次  
生信如心信如實義心以生如實義心已次  
生如說修行心以生如說修行心已次生不  
退轉心以生不退轉心已於諸衆生即生等  
對治心如我不喜死一切三界二十五有有  
形無形四足多足乃至蟻子有命之屬亦復  
如是是故菩薩乃至自喪身命終不枉奪他  
命如我有錢財穀帛衣被飲食爲馬車乘國



城妻子身體手足供養擁護不喜他人橫來  
侵害者一切衆生亦復如是是故菩薩乃至  
自喪身命終不於諸衆生衣財飲食生於劫  
奪之心如我不喜他人欺凌斷我妙色姊妹  
妻妾者一切衆生亦復如是是故菩薩乃至  
喪身失命於他美色不生邪念染汙之心況  
行姦惡如我不喜面毀兩舌惡口一切衆生  
亦復如是是故菩薩乃至喪失身命終不妄  
言兩舌鬪亂彼此如我不喜杖石鞭打榜笞  
拷掠者一切衆生亦復如是是故菩薩乃至  
喪失身命終不杖石楚毒拷掠衆生如我不  
喜枷械枷鎖桁械繫閉縛勒諸苦惱者一切

衆生亦復如是。是故菩薩乃至喪失身命終  
不加鎖繫閉枷械。衆生如我不喜爲人所陵  
強力迫脅威恩所逼。恃怙形勢壓伏。搢遏不  
今而自炳說自顯清白者。一切衆生亦復如  
是。是故菩薩乃至喪失身命終。不非理加於  
衆生。如我爲人之所供養尊重讚歎。令我歡  
喜者。我亦當常布施衆生衣服飲食。卧具醫  
藥。一切樂具。若我造作大事。若佛事法事。僧  
事。智力有限。不能令其成辦。憂愁苦惱。若有  
智者見我如是。憂恚懊惱。不能令其事得辦。  
便報我言。善男子。莫憂愁也。我當供辦稱意。  
所須。令汝事辦。我聞是語。心生歡喜。是故我

亦當常勸化衆事利益衆生如我爲王賊水  
火縣官所逼若繫若閉心生愁毒復有智者  
見我如是遇衆苦難便往我所善言誘喻告  
言莫愁苦也我當爲汝求哀國王若諸大臣  
若供給財賄若設餘方便令汝解脫使無衰  
惱我聞是語心生歡喜是故菩薩常當勤修  
技藝多諸工能音樂倡伎曆數筭計呪術仙  
藥服乘爲馬兜鉞槊箭出陣入陣有大功武  
我有如是衆妙技藝一切衆人若王大臣不  
敢違逆我意兼我復有衣財飲食珠環釵釧  
金銀瑠璃珊瑚琥珀磚礪瑪瑙真珠玫瑰摩  
尼寶珠象馬輦輦僮僕作使宮人美女流泉

浴池七寶臺觀如是種種微妙無量百千菩薩雖有如是威武隨意技藝百千寶藏爲馬車乘無量美女勝妙臺觀流泉浴池一切五欲樂具心不貪著而常少欲知足好樂閑靜山林樹下安禪靜嘿雖處大眾言談語論而心常入對治門中雖與衆生和光塵俗出內財產生業息利終不爲惡利益衆生若有貧窮及諸苦惱來從菩薩求索所須菩薩隨意稱心給與菩薩若見有衆生愛樂佛法而來親近供養承事奉侍洗足按摩浣濯乾曬楊枝澡水拂拭狀敷捲牒被枕初夜後夜供給燈燭前食後食担鉢那食蒲闍及食佉陀及

食及諸漿飲所謂與利師漿馥勒奢果  
桃漿黑石蜜漿如是承事乃至一七至九  
日爲欲求請菩薩聽聞佛法菩薩介時雖見  
是人如是供給心不歡喜何以故菩薩久於  
無量阿僧祇劫中爲求佛法故我爲一切衆  
生心無增減故以慈悲心故住平等心故介  
時作轉輪聖王常以十善導化一切衆生爲  
我意故歡喜奉行命終之後得生人天受微  
妙五欲快樂尊嚴豪貴隨心適意卧起入宮  
服乘鞍馬遊戲園苑伎樂自娛歡喜飲食無  
常卒至老病喪亡室家男女愁毒懊惱舉聲  
大哭以手槌脅或時拔髮食飲灰土悶絕躄

地持幡乘車啼哭送之殯埋既竟室家男女  
手相扶持還歸本家愁毒悶絕躡地或時致  
病或時狂癡或時致死於生者大損於死者  
無益是時轉輪聖王前後導從案行國界見  
諸衆生受斯苦惱愍而哀傷而作是言夫爲  
王者王領國土攝諸衆生雖以十善導化果  
得如是微妙五欲而不免生老病死無常敗  
壞當知我雖以正法治國無益於物若無益  
於物云何名爲大轉輪王云何復名爲大慈  
父云何復名爲大醫王云何復名爲大導師  
夫大導師者導以正路示涅槃逕使得無爲  
常得安樂我等今者名不稱行譬如有人渴

乏垂命東西馳走求索冷水遙見空井心生  
歡喜而作是念我今此身便為更生何以故  
若不得水命去不遠今見好井必其望得清  
淨冷水濟我虛渴運急之命作是念已馳奔  
往趣往到井上脫所著衣舉著一處入井取  
水而不得水唯見毒蛇守宮蝮蝎百足之屬

瓦礫荆棘及諸草穢介時渴人失本願故既  
不得水衆毒螫身尋欲出井其井朽故陷墜  
欽巖其朽故井深一箭道既無梯橙繩索杖  
木雖復勇身上昇勢不能高氣力羸憊還墮  
井底為諸毒蛇之所啖食命未斷頃而作是  
言我若先知此井無水尚不眼視而况往取

今日苦毒爲井所誤。尔時轉輪聖王見諸人  
民室家男女恩愛分離。受苦惱時而作是言。  
今我身者。喻如空井。雖有井名而無有水。現  
有所趣而無所獲。喪失身命。苦惱如是我。今  
雖處於轉輪聖王之位。七寶具足。十善導化。  
正法治國。令諸衆生。生人天中。受於微妙五  
欲快樂。故未能免。生老病死。恩愛分離。怨憎  
和合。憂悲苦惱。更相哭泣。然是我過。非衆生  
咎。所以者。何以我無有出世間法利益。一切  
衆生。雖從於我。諮受善法。望獲安樂。而實不  
能越於苦海。

尔時轉輪聖王復作是念。我身今者。喻如無



智大癡施主。尔時施主值天大旱七年不雨。樹木焦乾。時世飢饉。穀米勇貴。人民飢餓。互相茹食。飲血噉肉。更相殘害。枉濫無辜。或父食子。或子食父。父母兄弟妻息男女更相食噉。尔時大施主遊行觀看。見諸衆生飢餓憔悴羸瘦。戰掉氣力虛微。顏貌憔悴。頭髮蓬亂。形體瘦黑。於其肩上。或見擔揭。純是死人所。有頭手節腕臂肘脊脅肩臂臙踵足指。或是肝膽腸胃。時大施主微聲問言。汝所擔揭者。是何物也。答言。我所擔者。是死人頭手臂肘節腕也。問言。汝擔是死人臂肘節腕。何所作。爲。答言。汝不知耶。天時亢旱。時世飢饉。穀米

勇貴人民飢餓牙相食耳我所擔者是我能  
食尔時施主聞是語已心驚毛豎悶絕躡地  
以冷水洒面良久方蘇復更問言雖是汝食  
是何人肉尔時餓人聞是語已舉聲大哭憂  
恚斷絕報施主言不可言也痛哉痛哉恠哉  
恠哉大施主我今情實相語我所擔者或言  
是父或言是母或言妻子或言兄弟宗親骨  
肉尔時諸飢餓人各各以情實自說因緣大  
施主更無餘事我等以飢餓因緣故還相噉  
食耳尔時大施主聞是語已飲氣歎息報衆人  
言汝等今者更莫共相食噉肉也若有所須  
衣服飲食種種湯藥所須之物却後一處汝

等大衆皆集我家我當隨汝所須衣被飲食  
病瘦湯藥稱意給與衆人聞已心生歡喜歎  
言善哉善哉未曾有也尔時施主還到其家  
喚其夫人及其子息僮僕作使一切皆集於  
衆人中和顏悅色發柔輒言告喻妻子及諸  
作使汝等應當至心聽我所說汝等知不天  
時炎旱時世飢饉人民飢餓死者無數我等  
居家庫藏盈滿穀米無量可共及時種於福  
田妻子聞已善哉善哉快善無量我等身命  
亦隨施主況於大藏錢財飲食耶尔時施主  
心生歡喜汝等今者真是我無上道伴善哉  
善哉汝等諸人應當各各而自處分隨所應

傳隨所應為應作者便作應為者速為卦後  
一七必令成辦今時施主一一處分已竟即  
目出外處處觀看何處當有平地竟博安施  
檀施即時安著清淨之處除去沙鹵株杙荆  
棘其地清淨安施牀敷氍毹氍毹即時安施  
大衆坐處已嚴駕五百大象負載飲食運趣  
施檀飯食如山乳酪如池膏油麩脯種種餽  
饌百味具足兼有種種衣服珠環嚴釧魚馬  
七珍種種具足莊嚴已竟却後一七明相舉  
時亦於七日朝槌鍾鳴鼓吹大螺貝高聲唱  
言一切大衆皆來集於大施主檀今時衆人  
聞是唱聲心生歡喜如蒙賢聖聞是語已尋

聲往趣大會施檀隨意所取衣被飲食珠環  
嚴釧百種湯藥象馬七珍隨所好喜恣意選  
取今時施主所施之物衆人持去已盡今時  
施主心生歡喜已即還歸家室家妻子歡喜  
受樂五欲自娛却後一七聞外人言先所受  
施主衣被飲食者皆藥發而死或未死者皆  
發是言恠哉恠哉是大施主雖有慈愍供給  
所須衣被飲食雖復當時充飢解渴得濟身  
命於後數日藥發喪命時大施主憂恚懊惱  
問其妻子汝等云何成熟飲食使令惡毒藥  
今墮食中妻子作使諸僮僕等皆言不介若  
不介者毒從何來荅言不審今時施主重自

檢校卽入家中次第案行見一井水而覆蓋  
頭問諸人言此是何井家人荅言此是施主  
於小兒時養三毒蛇穿此一井安置其中此  
井是毒蛇住處水亦是毒飲者殺人施主見  
已問作使言汝等先作食時不取此井水用  
作食也作使荅言飲食猥多當時運急汲取  
此水用作飲食大施主言恠哉恠哉如我今  
者愚癡無智云何養此毒蛇作此毒井告語  
妻子速往填塞中三毒蛇者爲吾燒殺是時  
作使速往除滅尔時施主滅毒井已出外觀  
看見受施者藥發而死異口同音皆言坐此  
施主與我毒食令我早喪身命我若先知此

食有毒者終不噉食。爾時施主聞是語，已心生懊惱。如彼轉輪聖王，雖復十善導化，令諸衆生得生人天，雖受如是微妙五欲微妙快樂，猶未能免生老病死。時轉輪聖王尋發願言：我今應當求索無上佛法，出世間法。令諸衆生讚誦翫習，遠離生死，得至涅槃。

爾時轉輪聖王為求佛法，故於閻浮提遍處宣令。誰解佛法？大轉輪王欲得翫習。處處宣令，皆云：言無到一邊。小國中有一婆羅門，解知佛法。爾時使者逕往詣彼，至婆羅門所，問言：大德，解佛法耶？答言：解耳。爾時使者頭面禮足，報言：大師大轉輪王欲相願命，唯願大

師屈神德往至彼轉輪王所時轉輪王遠出  
 奉迎頭面禮足問訊起居冒涉途路得無疲  
 倦耶即請入宮於正殿上敷王御座前請大  
 師願坐此座時婆羅門即昇妙座結加趺坐  
 尔時大王見於大師端坐已定供給所須施  
 安已竟合掌向於婆羅門白言大師解佛法  
 耶時婆羅門報言吾解佛法尔時大王報言  
 大師為我解說婆羅門言王大愚也吾學是  
 佛法久受勤苦因乃得成今者大王云何直  
 欲得聞尔時大王白大師言欲須何物婆羅  
 門言與我供養王言所須供養為是何物衣  
 被飲食耶金銀珍寶耶婆羅門言吾不須如



是供養王言若不須如是供養者爲馬車乘  
耶國城妻子耶音樂倡伎耶婆羅門言吾都  
不用如是供養也若能就王身上剜作千瘡  
灌滿膏油安施燈炷然以供養者吾當爲汝  
解說佛法若不能者吾欲起去王未答頃尋  
下高座尔時大王即前抱持報言大師小童  
留懷今我智慧微淺功德薄少小頃自思  
當奉供養

尔時轉輪聖王即自思惟而作是念我從無  
始世界已來喪身無數未曾爲法今我此身  
當歸敗壞都無所爲今日正是其時仰報大  
師言所須供養者當速辦之尔時大王即入

宮中報諸夫人而我今者共汝等別時諸夫  
人聞王語已心驚毛豎莫知所由微聲問王  
王欲何去王言今者我身欲剗作千燈供養  
大師時諸夫人聞王語已宛轉躄地舉聲大  
哭悶絕吐逆良久蘇息報大王言天下所重  
莫若己身恭敬尊重隨時將養懼畏不適今  
者云何毀害捐弃王是智人而於今日如似  
顛狂鬼魅所著耶王言不也若不尔者何緣  
如是作此苦惱供養是婆羅門何所為耶王  
報夫人欲求佛法為一切衆生若為一切衆  
生今日云何便見孤弃王報諸夫人言天下  
恩愛皆當別離是故吾今以身供養欲為汝

等及一切眾生於大暗室然大智燈照汝生  
死無明黑暗斷衆累結生死之患超度衆難  
得至涅槃故汝等諸人今者云何違逆我心  
時諸夫人聞王語二嘿然不對心悲噢噎舉  
聲大哭自拔頭髮爪攫面目復發聲言我等  
薄相生亡我所天王有五百太子悉皆端正  
聰明智慧人相具足其父愛念喻如眼目亦  
時大王語諸子言我於今日欲設供養恐身  
命不濟與汝等別國土人民所有王法從大  
者治時諸太子聞是語已身體支節筋脉抽  
切辟如人噎又不能咽復不得吐微聲問父  
王言今日云何永弃孤背時諸太子前抱王

頭或捉于足舉聲悲哭恠哉恠哉今日云何  
永失覆護介時大王諫曉諸子即爲宣說天  
下恩愛皆有別離諸子荅言雖如父王所說  
心情戀慕不能捨離大王今日當賜一願令  
諸子等持此身命奉上大王爲王供養婆羅  
門師王言諸子幼稚未有所識未能堪辦如  
是供養如我今者遠請大師許相供養不得  
違鉤夫爲孝子不違父意汝今云何違逆我  
心時諸太子聞是語已舉聲吼喚驚動神祇  
舉身投地如太山崩介時大王復與諸小國  
王一切辭別還至殿上往大師所脫身瓔珞  
上妙衣服舉著一面端身正坐告諸大臣諸

小國王五百太子二萬夫人汝等今者誰能  
為吾剜身千瘡夫人太子及諸群臣皆共同  
心而作是言我等今者寧以利刀自剜兩目  
終不能以手剜王身也尔時大王心生憂惱  
而我今者單子孤露大眾之中乃無一人見  
位助尔時大王有一旃陀羅其性弊惡人  
所怖畏尋聲往趣語諸太子且莫憂苦也我  
有方便能令大王事不得成若不成事還王  
領國土如本不異諸太子聞是語已心生歡  
喜時旃陀羅往到王前語大王言大王今者  
何所作為剜身千瘡供養大師時旃陀羅言  
欲剜身者我能為之王聞是語心生歡喜報

旃陀羅言汝今真是我無上道伴時旃陀羅  
即在王前歛喙蹋悵高聲唱言大王當知殺  
人之法斷頭截頸割斷手足抽筋拔脉苦痛  
如是大王今者能堪是不王聞是語心懷歡  
喜時旃陀羅持牛舌刀就王身上於瞬速頃  
遍體剗作數滿千瘡時旃陀羅謂王意退而  
還不移投刀於地馳走而去介時大王於身  
諸瘡灌滿膏油已取上妙細氈纏以為炷介  
時婆羅門大師見於大王作是事已作是念  
言我今應當先為大王宣說佛法何以故大  
王今當然身諸燈恐命不濟命若不濟誰當  
聽法思惟是已告大王言精進如是難為能

為修此苦行為聞佛法諦聽諦聽善思念之  
今當為王宣說佛法王聞是語心大歡喜辟  
如孝子新喪父母其子愁毒苦不可言父母  
還活其子歡喜王聞是語亦復如是時婆羅  
門即便為王而說半偈謂興衰法

夫生輒死

此滅為樂

王聞法已心生歡喜告諸太子及諸大臣而  
作是言諸人若於我有慈悲心者應為我憶  
持是法於諸國土處處聚落有人民處城市  
巷陌宣王優命諸人當知大轉輪王見諸人  
民一切衆生沒於苦海未能出要於諸衆生  
起大悲心剗身千燈求地半偈諸人今當感

大王大慈悲心應當書寫此偈讀誦翫習思  
惟其義如說修行諸人間是語已心生歡喜  
異口同音讚大王言善哉大王真是大慈悲  
父爲諸衆生修此苦行我等應當速往書寫  
或紙或帛或於石上或於樹木瓦礫草葉蹊  
徑要路多人行處亦皆書寫其見聞者皆發  
阿耨多羅三藐三菩提心

尔時大王即然千燈供養大師其明遠照十  
方世界其燈光中亦出音聲說此半偈其聞  
法者皆發阿耨多羅三藐三菩提心其光上  
照乃至忉利天宮其燈光明悉能隱蔽諸天  
光明時忉利天王見此光明遠照天宮即作



是念以何因緣有此光明即以天眼觀於世  
間見是大轉輪王以大慈悲熏修其心為一  
切衆生故剗身千燈供養大師為度一切衆  
生故是故我等今當往於世間勸戒佐助令  
心歡喜即下世間化作凡人往詣王所問大  
王言剗身千燈修此苦行為求半偈何所作  
為報言善男子我為一切衆生故令發阿耨  
多羅三藐三菩提心今時化人即復釋身光  
明威曜暎然炳著時天帝釋報大王言作是  
供養願求天王耶魔王梵王耶是時轉輪聖  
王報天王釋言我亦不求人天尊貴正欲求  
阿耨多羅三藐三菩提為一切衆生故不安

者安不解者解未度者度未得道者欲令得道天王釋言大王今者不乃愚也求阿耨多羅三藐三菩提者久受勤苦乃可得成汝今云何欲求無上道耶報天王釋言假使熱鐵輪在我頂上旋終不以此苦退於無上道汝今雖發是言吾不信也時轉輪聖王即於天王釋前立此誓言我若不真實求於阿耨多羅三藐三菩提欺誑天王釋者使我千瘡終無愈時若不尔者血當為乳千瘡平復說是語時即復如故天王釋言善哉大王真是大悲修大悲者如是苦行不久當得阿耨多羅三藐三菩提得三菩提時我先度我時天帝釋

放大光明遍照王身與百千諸天俱時發阿  
耨多羅三藐三菩提心五百太子見其父王  
身瘡平復歡喜無量即前頭面禮足却住一  
面合掌向父異口同音俱發聲言未曾有也  
今者父王真是大悲愍傷一切王報太子汝  
等若是孝子者當發阿耨多羅三藐三菩提  
心是諸太子聞是語已心生歡喜感於父王  
重恩分故尋聲即發阿耨多羅三藐三菩提  
心二萬夫人百千姝女亦復如是尔時衆中  
有七十恒河沙等衆生皆發聲聞辟支佛心  
復有無量天及軋闍婆阿脩羅迦樓羅緊那  
羅摩睺羅伽人非人等見聞是已皆發道心

歡喜而去

大方便佛報恩經發菩提心品第四

尔時會中有一大菩薩摩訶薩名曰喜王即  
從座起偏袒右肩右膝著地合掌仰白如音  
而作是言菩薩云何知恩報恩佛告喜王菩  
薩善男子諦聽諦聽菩薩摩訶薩知恩者當

發阿耨多羅三藐三菩提心報恩者亦當教  
一切衆生令發阿耨多羅三藐三菩提心若  
發菩提心云何而發菩薩因何事故所以能  
發善男子菩薩摩訶薩初發三菩提心時立  
大誓願作如是言若我得成阿耨多羅三藐  
三菩提時當大利益一切衆生要當安置一

切衆生大涅槃中復當教化一切衆生乎  
具足般若波羅蜜是則名爲自利亦名利他  
是故初發菩提心者則得名爲菩提因緣衆  
生因緣正義因緣三十七助道法因緣攝取  
一切善法根本是故菩薩名爲大善亦名一  
切衆生善根能破一切衆生身口意等三業  
諸惡一切世間所有誓願及出世間所有誓  
願無有能勝阿耨多羅三藐三菩提如是誓  
願無勝無上菩薩摩訶薩初發三菩提心時  
有五事一者性二者行三者境界四者功德  
五者增長菩薩若能發菩提心則得名爲菩  
薩摩訶薩定得阿耨多羅三藐三菩提修大

乘行是故初發菩提心即能攝取一切善法  
菩薩摩訶薩發菩提心修行漸得阿耨多羅  
三藐三菩提若不發心終不能得是故發心  
即得阿耨多羅三藐三菩提根本菩薩摩訶  
薩見苦衆生心生憐愍是故菩薩因慈悲心  
故能發阿耨多羅三藐三菩提心因阿耨多  
羅三藐三菩提心即能習三十七品因三十  
七品故得阿耨多羅三藐三菩提是故發心  
名爲根本發菩提心故行菩薩尸羅是故發  
心名根名因名枝名葉亦名華次名果亦名  
爲子菩薩發心畢竟不畢竟者乃至得阿耨  
多羅三藐三菩提終無退失不畢竟者有退

有失退有二種畢竟退不畢竟退畢竟退者終不能發阿耨多羅三藐三菩提心不能推求修習其法不畢竟退者求菩提心修習其法是菩提心有四種一者若善男子若善女人若見若聞諸佛菩薩不可思議事念時即生信敬之心作是念言佛菩薩事不可思議若佛菩薩不可思議事是可得者我亦當得阿耨多羅三藐三菩提是故至心念於菩提發菩提心復有不見諸佛菩薩不可思議事以聞諸佛菩薩秘密之藏聞已即生信敬之心得生信心故為阿耨多羅三藐三菩提及摩訶般若故發菩提心復有不見諸佛菩薩

不思議事亦不聞法見法滅時復作是念無  
上佛法能滅衆生無量苦惱作大利益唯諸  
佛菩薩能令佛法久住不滅我今亦當發菩  
提心令諸衆生遠離煩惱願我此身受大苦  
事護持佛法久住於世故發菩提心復有不  
見諸佛菩薩法滅時唯見惡世諸衆生等具  
重煩惱貪欲瞋恚愚癡等無慙無愧慳恡等  
嫉妬恚癡苦惱等不信邪疑懶惰等見是事  
已即作此念大惡世時衆生不能修善如是惡  
時尚不能發二乘之心何況阿耨多羅三藐  
三菩提心我今當發菩提心發菩提心已乃  
當教一切衆生令發阿耨多羅三藐三菩提心



余時喜王菩薩復白佛言世尊菩薩知恩自  
發菩提心菩薩報恩教一切衆生令發菩提  
心者如來世尊於生死時初發菩提心因何  
事發佛言善男子過去久遠不可計劫生死  
中時以重煩惱起身口意業故墮在八大地  
獄所謂阿訶訶地獄阿婆婆婆地獄阿達多地  
獄銅釜大銅釜黑石大黑石乃至火車地獄  
我於今時墮在火車地獄中共兩人並挽火  
車牛頭阿傍在車上坐繫脣切齒張目吹火  
口眼耳鼻烟炎俱起身體殊大臂脚蟠結其  
色赤黑手執鐵杖隨而鞭之我時苦痛怒力  
挽車力厲前進時我徒伴劣弱少力劣弱在

後是時牛頭阿傍以鐵叉刺腹鐵杖鞭背血  
出沐浴隨體而流其人苦痛高聲大喚苦痛  
難忍或稱父母或稱妻子雖作如是唱喚無  
益於已我時見是受大苦惱心生哀愍因慈  
心生故發菩提心爲此衆罪人故勸請牛頭  
阿傍此罪人者甚可憐愍小復加哀垂慈憐  
愍牛頭阿傍聞已心生瞋恚尋以鐵叉前刺  
我頸尋時命終即得脫於火車地獄百劫中  
罪我以發阿耨多羅三藐三菩提心故即脫  
火車地獄之罪佛告喜王挽火車者今我身  
是因發菩提心故疾得成佛是故當知一切  
衆生發菩提心其事非一或因慈心或因悲

心或因施心或因慳心或因歡喜或因煩惱  
或因恩愛別離或因怨憎和合或因親近善  
知識或因惡友或因見佛或因聞法是故當  
知一切衆生發菩提心各各不同喜王當知  
菩薩摩訶薩知恩報恩其事如是說是法時  
萬八千人發阿耨多羅三藐三菩提心一切  
大衆中有得須陀洹乃至阿羅漢時天龍鬼  
神人及非人亦能發聲聞辟支佛心聞法歡  
喜頭面作禮右遶而去

大方便佛報恩經卷第二

赫奕

上許容

反明盛

音亦

蟠蘭

上音盤

狀也

椿輪

倫反

舊練

上七

見反

祭爛

旦上

反七

案反

文下

美自

眼眩

下音

縣目

晃曜

反上

胡廣

也

瘦反

曲拘

癖

上音

必亦

反

垂

反上

直

瑞反

答

下音

癡

反

擊打

也

考掠

下音

也

胡剛

反械

迫脅

上音

伯下

威逼

又反

也

逼

恃恬

二依

音倚

也

檝

上斂

也

作

戢

止炳

音明

也

財賄

每反

倡妓

下音

渠倚

反

音

作

丁侯

反

正

梨

音八

槍

也

音

又

古迴

反

出

下音

尺

遂

反

作

音

濁

反

曬

寄反

日

乾

也

非也

佉陀

闍

反

此

云

可

食

佉陀

左

也 復勒 音伏 捷曾 反上 直追 殞埋 止必 刃

皆 蝮蝎 上 芳 伏 反 下 許 螫 呼 各 反 行 一 音 也 階

去 聲 嶽巖 吾 上 音 銜 反 欽 山 高 狀 也 下 梯 墜 上 湯 步 反 反 吉

也 燬 下 上 力 垂 反 反 疲 也 劣 也 啞 正 子 雜 反 嗜 吓 嗽 茹 反 而 一

下 也 枉濫 郎 作 淡 反 纜 誤 也 濁 無辜 罪 下 音 始 擔 揭 甘 上 一

下 赤 負 也 節腕 手 烏 貫 反 肘 臂 知 柳 反 脊 脅 也

躡 地 上 倒 也 益 反 熙怡 反 上 許 之 反 下 余 之 繩 纒 上 丁

下 食 陵 反 上 通 用 正 校 飭 下 上 音 教 去 和 悅 下 余 之 繩 纒 上 丁

下 音 負 二 通 用 正 校 飭 下 上 音 教 去 和 悅 下 余 之 繩 纒 上 丁

無 石 小 山 瓦 礫 砂 下 音 曆 荆 棘 居 上 音 京 下 回 反 丁

藪 無 水 日 叟 澤 溝 壑 下 上 呼 各 反 反 一 一 谷 渠 也 甄 反 居 延 山

一 步 挽 車 無 輪 日 余 預 惛 乱 也 猖 狂 昌 上 音 循 環 字 二

大方便佛報恩經第一卷

音旬迹同與跡鈍徒困反捺國音柰聰叢聖俞咸也

遠也優壤反下柔而養也姝美昌朱反伺捕也上相寺反步

也掉動反上弔反徒喑嗟二上於今於禁也婉轉反上紆吃

粗略也古反全蒲悶反蓬乱作驛駿紅反也兩翅

下施糧餉反下詩尚憤責畋獵反上音田取禽

也智反糧餉反下詩尚憤實畋獵反上音田取禽

反彫指逆上音蚊壺莫上音文下位昂下吾剛

國昔在上呼表反正作戔下咆地作上步交反仰

搏齒齧二上音博持也撮也下

在賜反裂目也下咆地作上步交反仰

